



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt I. Sacerdotvm Dignitas.

urn:nbn:de:hbz:466:1-42349



DE ECCLESIASTI-
CORVM VITA, MORI-
BVS, OFFICIIS:

LIBER SECVNDVS.

EORVM A VITIIS CONTI-
*neutiam & animi explicans
puritatem.*

CAPVT I.

SACERDOTVM DIGNITAS.

APOSTOLVS VNO EPISCOPI NO-
mine vtrumque Sacerdotem, maiorem
& minorem, Antistitem, & Presbyte-
rum complectitur, ac proinde ambo-
bus eadem probitatis, & Sanctimonie
documenta constituit.

§. Id Sole clarius ex Epistolæ ad Philippenses ex-
ordio illo: Paulus & Timotheus serui IESV CHRISTI, & Presbyteri
omnibus sanctis, qui sunt in CHRISTO IESV, qui sunt Phi-
lippi, cum Episcopis & Diaconibus. In quam Epistolam
commentans S. Ioan. Chrysost. Quid hoc? ait hom. i. Erant-
ne multi vnius ciuitatis Episcopi? Nequaquam, sed presbyte-
ros ita vocauit. Tum enim subinde nominibus communica-
bant. Ita & Diaconi nomen commune est omnibus infra Sa-
cerdotium Ordinibus. Neque enim in vna ciuitate aut Ecclesia
plures

*Episcopus &
lim. & i. m.
vocat.
Presbyter,
& Presbyter
Episcopum.*

T

plures erant Episcopi, sed vnus Episcopus cum pluribus presbyteris, & Diaconus dicebatur Episcopus. Propterea Timotheo scribens 2. ep. cap. 4. v. 5. dixit, Diaconatum tuum adimpleto quum esset Episcopus. Quoniam enim Episcopuserat, dicit ad eum 1. Timoth. 5. v. 22. Manus nemini cito imposueris. Et 1. Timoth. 4. v. 14. Quod datum est tibi cum impositione manuum presbyteris. Neque vero presbyteri manus imponebant Episcopo, & cat. Quemadmodum igitur dixi, & presbyteri olim vocabantur Episcopi & Diaconi Christi. Vnde & nunc plerique Episcopi scribunt, Conseniori & comministro. Caterum vero seorsum suum cuique datum est nomen vel Episcopo vel Presbytero. Hac S. Chrysost. Itaque vt S. Apostolus Paulus totum Philippensium Clerum sua Apostolica salute imperiret, nec cogeretur singulos numerare ordines, eos ad duo primaria genera reuocauit, Sacerdotum scilicet & Ministrorum.

§. Similem in modum in 1. Epistola ad Timotheum cap. 3. de Episcopo cum tractasset, nullam presbyteri mentionem fecit, quid causae? quia nomen illis commune erat, & in Episcopo, ait S. Hieronymus Epistola 85. ad Euagrium, & presbyter continetur. Idem S. Hieronymus in 1. ad Timoth. cap. 3. Queritur, inquit, quid de Presbyteris nullam fecerit mentionem; sed eos in Episcoporum nomine comprehendit: quia secundus imo pene vnus est gradus. Verum S. Ioannis Chrysostomi verba ex homil. 11. in priorem Timotheicam hic exscribamus. Postquam, ait, de Episcopis dixit, eosque formauit, quidnam illos habere conueniat, a quo item abstinere necesse sit dictans, omisso interim presbyterorum ordine ad diaconos transit. Cur id quae? Quia scilicet inter Episcopum atque presbyterum interest ferme nihil. Quippe & presbyteris Ecclesia cura permissa est. Et quae de Episcopis dixit, eadem presbyteris congruunt: sola quippe ordinatione superioris illi sunt, atque hoc habent plus, quam presbyteri habere videntur. Consentit & Ambrosio ascriptus in eundem locum commentarius: Post Episcopum, ait, Diaconi ordinem subicit.

subicit. Quare? nisi quia Episcopi & Presbyteri una ordinatio est. Vterque enim Sacerdos est, sed Episcopus primus est, ut omnis Episcopus Presbyter sit, non tamen omnis Presbyter Episcopus.

§. Et certe pleraque officia Episcopis & Presbyteris, excepta Ordinatione, Confirmatione, & quarundam rerum, & calicum, altarium, templorum Consecratione, communia sunt, ut nihil faciat Episcopus, quod similiter Presbyter non faciat, quum & alia illa munia, excepta sola ordinatione, quæ diuino iure Episcopatu annexa est, S. Pontif. auctoritate & concessu Presbyteris committi possunt. Quo sensu dixit & S. Hieronymus epist. 83. ad Euagrium. Quid facit Episcopus, excepta ordinatione, quod Presbyter non faciat?

§. Neque male conuenit Episcopi nomen Presbytero. Et *ἐπίσκοπος* enim idem est, quod Superintendens, & commemorata paulo ante Epistola docet S. Hieronymus & Augustinus lib. 19. de ciuitate Dei cap. 19. Seu custos & inspector maxime gregis sacri, & non solius Pontificis est, sed & Sacerdotis ad Dominici gregis curam aduigilare. Hinc S. Isidorus lib. 2. de officiis ecclesiasticis cap. 7. Presbyteris, inquit, sicut episcopis dispensatio mysteriorum in Domino commissæ est. Præsumunt enim ecclesiis Christi, & in consuetudine & anima corporis & sanguinis, consortes cum episcopis sunt. S. militet & in doctrina populorum & in officio prædicandi. Sed sola propter auctoritatem summo sacerdoti Clericorum ordinatio, & consecratio reseruata est, ne à multis ecclesiæ disciplina vendicata, concordiam solueret, scandala generaret. Denique Petrus Damianus docet, Episcopos non immerito cum presbyteris nomen tenere sacerdotis: quia sacerdos dicitur, qui sacrificia dat, siue qui Deo sacrificia offert, & hoc quoque omnibus maius est, illis commune est. Immolare Deo sacrificium corporis & sanguinis Christi Domini & Sacerdotum, & quarumlibet rerum consecratione augustius est & longe diuinius, cuius utrique aqua potestas delata.

Quia hæc munia episcopis & sacerdotibus communia.

Interpretatio n. m. is episcopi & sacerdotis conuenit.

Episcopus & presbyter ambo sacerdotes nunciantur.

OS (* *) DO

Y 2

CAPVT